

古今尺牘大觀

中編十二



教育部褒獎

商業指南

全一冊

定價九角

本書內容豐富。關於商界應用文件。悉依現行商事法令。臚舉靡有遺分。『稟』『函』『說帖』『契』『據』『約』『券』『票』『單』『條』『書』『表』『招貼』『簿記』等十四門。遇有疑義及與條件上習慣上有關係者。概加說明。他如公司條註冊規程等。則視文件之性質。而附於其後。有需應用印花稅者。並詳誌其種類數目。刪節虛文。務切實用。堪稱工商界之寶筏。商店學徒用作自修。尤為相宜。

教育部審定 湖北楊汝梅著

新式銀行簿記及實務

紙面洋裝一冊 定價二元

銀行簿記之改革。日新月異。湖北楊汝梅先生。久主是科講席。並歷任財政審計各職。學識經驗。無待贅言。是書為先生最近著作。業經教育部審定。茲錄批語如下。

教育部批

該書薈萃東西最近出版之名著。參以吾國固有之習慣。搜羅豐富。井井有條。堪稱善本。應准作為各學校簿記學及銀行學之參考書。

古今尺牘大觀 中編

第十二冊

目錄

敘事類

引咎

宋吳儆上張南軒書

明劉崧與王子與書

明羅洪先謝羅整菴公書

明薛應旂與王槐野翰讀書

明申時行答顧沖菴巡撫書

明王衡與蔡思川侍御書

慰藉

宋強至與孫觀文啟

宋司馬光答齊州司法張祕校正彥書

宋歐陽修上隨州錢相公啟

宋歐陽修與焦殿丞書

宋歐陽修答李秀才啟

宋歐陽修與尹師魯書

宋蘇軾與范元長書

宋蘇轍答徐州陳師仲書

宋黃庭堅與王子飛兄弟書

宋黃庭堅與益修四弟強宗書

宋黃庭堅與王子飛書

宋胡銓與張丞相書

宋汪應辰上趙丞相鼎書

宋陸游答王樵秀才書

明劉球慰歐陽僉事書

明魏校與黃子和書

明楊慎與徐用先書

明霍韜與康對山書

明徐獻忠與曹繩之書

明王慎中與林戶部世觀書

明王慎中唁李序菴喪子書

明唐順之與唐一菴書

明唐順之與王湛泉文選書

明錢薇與王沂川書

明薛應旂答胡柏泉書

明莫如忠寄包蒙泉戍所書

明莫如忠慰唐次梁書

明王世貞與魏允中書

明王世貞致吳明卿書

明王世貞致汪伯玉書

明汪道昆與大司馬譚公書

明海瑞復沈萬川會昌大尹書

明申時行答鄭範溪總督書

明溫純答劉少嵐太守書

明陸可教與張岱興書

明馮時可寄仲兄善卿書

明鄒元標答呂新吾少司寇書

明鄒元標上朱金翁書

明屠隆與沈君典書

明屠隆與瞿容夫書

明王在晉復華陽長殿下書

明董應舉答成生洲書

明董應舉答朱座師書

明董應舉答粵中友人書

明王衡與蹇理菴撫臺書

明王衡與屠赤水儀部書

明黃尊素上鄒南皋先生書

明蕭士瑋與錢某書

明陳子壯與會稽陸公子書

獻文

宋石介上孔徐州書

宋釋契嵩上歐陽侍郎書

宋蘇舜欽應制科上省使葉道卿書

宋蘇舜欽上孫冲諫議書

宋曾鞏上歐陽學士書

宋歐陽修投時相書

宋蘇洵上歐陽內翰書

宋蘇軾上曾丞相書

宋張耒投知己書

宋楊時謝程漕書

宋劉一止見國信侍郎書

明陸深與沈西津方伯書

明王慎中再上顧未齋書

明尹臺與呂南渠閣老書

明汪道昆與孫太史書

獻詩

宋釋契嵩與馬著作書

宋劉攽爲人以文章與知己書

宋黃庭堅上蘇子瞻書

宋楊時與楊孟堅書

宋朱松上趙漕書

宋王庭珪與向卿宣直閣書

明茅維與屠緯真先生書一

明茅維與屠緯真先生書二

明茅維與何芝岳太史書

明王在晉復憲副咎公鳴宇書

明徐媛與仲容弟書

雜事

宋歐陽修與薛少卿公期書

宋蘇軾上韓魏公乞葬董傳書

宋蘇軾黃州上文潞公書

宋蘇軾答賈耘書

宋程頤上謝帥師直書

宋陸游謝晁運使啟

宋張栻答朱元晦書

宋文天祥通交代廖提刑邦杰啟

明莫如忠與張雙鶴論王戴兩家解仇書

明汪道昆與吳峻伯先生書

明汪道昆與吳宗高書

明宗臣報陸子和書

明馮時可與戴謙甫書

明屠隆與沈君典書

明屠隆與汪仲淹仲嘉書

明范景文與友書

古今尺牘大觀 中編

第十二冊

杭縣姚漢章

纂輯

吳縣何寶睿

敘事類

引咎

宋吳儆上張南軒書

某不才無善狀。少時嘗不自揆度。妄有事功之志。兩任州縣。皆不偶。不惟不偶。且速謗累。以是痛自懲艾。思欲自屏於僻遠無人之境。藏其身於庸陋寡過之地。苟寸祿以畢。反哺竊便安。以佚餘年。則區區志願滿足。無餘前此到堂。只從諸公覓一廣右通判。爲是故也。然昨到會府。一拜威光。曾未有尺寸之長。可以自見。乃蒙台慈。過有推許。退而自省。莫知所因。蓋某魁然其形。而其中實無所有。率爾而對。

而其言多不適用。某於是不敢自喜而益以自媿。何者？人固未易知，而物不可以苟合。判府經略直閣左右司先生儻因他人過情之言，或一時適然之喜，取某一日之長，一語之中而未知某之所短者，固多不惟所短之多，而其過失亦甚。不惟過失之甚，而罪惡之不可恕者亦且不少。何謂罪惡之不可恕？某少時嗜酒使氣，遊蕩無度，則有不檢之罪；爲縣令時擅殺人，納亡命，則有不法之罪。今垂老矣，有親年七十而貪祿遠去，則有不孝之罪。何謂過失之多？遇事直前，不顧後患，其失一也。語言不謹，頻致怨憎，其失二也。疾惡太甚，事不干己，其失三也。遇人無親疎，賢不肖輒輸寫肺腑，其失四也。至於好謀而智不逮，好勇而剛不足，好學而志不堅，好立事而才不稱，其天資之所短者，又未可一二數。如前數者，有一於此，自不可復用於世。而況兼是數者而有之，而先生遽以爲可用，在某一時脫空漫語，以苟顧盼之寵，則可第恐他日不能上副所期，或致誤事，則於門下知人之明，不能無傷。欲望台慈更詳察某之所有，博訪某之所爲，終以爲可用而後用之，無責以

近效無拘以文法無間以讒慝之口無惑於怨仇之言然後敢安神定志惟門下是用如其不然某但當謹挈餅之守奉有司之法享二年之厚俸而竊半刺之安佚日押文移數紙月遣吏卒數輩驅迫屬縣椎迫吾民之肌膚以充經總制錢之課而坐受醲賞則某之能事畢矣而又何求焉

明劉崧與王子與書

僕嘗怪東漢光武時政教修明而杜季良以父喪致客遂貽謗禍及其末也大盜興黨錮作而黃瓊之喪天下會喪者至七千人雖徐孺子不屑聘辟而暴雞絮酒無喪不赴當時朝廷雖未嘗不以禮法嫉士而士亦卒未聞以畏禍而遂止者豈不以死喪人之大故弔問會送之禮有不得而遂廢也歟今海內喪亂幾二十年人罹愁苦惴焉旦夕不自保至不樂其生而易其死由是鄉黨散而姻族離文物喪而恩義弛吉凶不告慶弔不通蓋未有甚於此時者矣然嘗思士之所以立於天地間能異於物而爲三綱五常之繫者非禮乎非義乎於是而猶不得行焉豈

不可爲之長太息哉。僕之先祖府君實王氏之所自出。而區區與執事者。其行實相等。其道實相孚。其好愛又相篤。固非若行道之人。適然相遇而強爲欣戚者也。然或終歲不相聞。或二三歲不一會。會輒爲時所牽格。非畏避於患難。則奔走於衣食。徒猝猝舉手相問勞。語出口未竟而足已。東西驚矣。每一念之。蓋未嘗不爲之惕然驚赧然愧而汗下也。有如執事往者。葬令先母於武山之東。今年葬令先府君於新山之陽。地之相去非甚遠也。而區區限以羈旅。沈滯避遠。卒不得奔走匍匐一引紼。臨壙以少效親友扶助之誼。則其去路人也幾希矣。乃猶覩焉。以面目相視而爲人乎。嗟乎。昔固有忌之而卒莫能廢之者。今莫之或止也。奚而弗之行哉。於是愧於古人多矣。惟執事賢伯仲。孝感果濟。克襄大事。孝道於是有終。雖人助之。末容有不至。而天相之吉。則無不順矣。僕俯念世故。慨其興嗟。輒省往事。以識吾過。秋暑尙熾。聚首何時。瞻望雲山。無任悽悚。

明羅洪先謝羅整菴公書

某去冬趨謁。仰辱款誨。撫愛眷眷。不欲去側。近者手書嘉幣。復勞賢孫遠來。拜受感激。匪意可盡。手書示之動靜之道。以不潔之迹。曲軫高懷。此其款誨撫愛。又出於尋常萬萬。蓋所謂成我之恩也。某齒長矣。猶以守身之節。貽長者憂。其爲罪戾。何可文飾。毘陵唐應德。莫逆友也。相與別者五六年。而相期者數天。一旦因友人。之舟不及奉告。而遂往。某之始焉。決於往者。蓋亦有說。以爲斯道之不明。由師友之不立。師友不立。由守己太堅。而取善不廣。欲舍己而取善。非必待人之我告也。有當就而問者矣。故曰。友一國之善士。友天下之善士。夫旣謂之天下之善士。要必觀諸四方。而後可決也。昔邵子之遊齊魯燕趙而歸也。曰。道在是矣。其所謂道。雖未能遽測其所指。縱使得之於己。而悔遠探旁搜之無益。其亦必由遠探旁搜。而後得之於己者。可決不然。問辨者之於學。於行。宜皆無所事也。今非取必於邵。而後有所往也。度己之善。而求足焉。不必古之有與無。則其一念之自決也。故嘗以爲。苟遇其人。吾雖崎嶇而奔馳。所不恤也。苟不得其人。則吾之崎嶇奔馳者。亦

將。可。以。爲。動。忍。之。助。而。懲。宴。安。之。習。固。所。不。悔。也。蓋。視。其。身。之。不。足。乃。學。而。求。益。者。也。非。可。語。於。成。德。範。俗。者。也。誠。不。自。意。遽。犯。臨。深。之。戒。與。退。藏。之。常。致。厯。長。者。諄。切。訓。戒。而。已。莫。追。其。既。往。矣。然。不。徒。唯。唯。受。必。述。其。故。者。亦。欲。因。是。求。正。以。聽。譴。訶。且。以。釋。長。者。之。懷。知。其。非。敢。於。自。肆。而。爲。之。也。辭。不。斂。肅。惟。終。教。之。

明薛應旂與王槐野翰讀書

前歲京師特與公鄰對月論心臨風舒嘯不問閒冗無閒朝夕此其意氣雖公與僕固不自知彼旁觀而訛笑者何能測識哉行役浙中遂離左右二年來有時獨坐恍若對公固不啻夢寐見之而已去秋邵生南還得公寓筭啟函讀之人情物理持論殆盡機迎神解不覺坐馳又豈特覩函關之紫氣西漢之文章云爾也但中間獎借不敢承當亦不敢自委謹奉以周旋期不負公而已奈心無窮而力有限邇來所遭殊自愧汗公亦記當事者初議乎本以學政遂屬於僕僕亦以學政直受不辭比至地方文衰俗陋自以爲是已成錮疾僕以庸醫不能鍼頂砭育洗

腸滌胃。坐視其昏憤顛躓。發譖見鬼。則既無策矣。且又海上豪俠招集不逞。引致島夷。統衆數千。隨潮上下。所至城邑焚燒殺戮。子女金帛劫掠一空。鼓譟所向無敢當者。僕於其間。又不能設一方略。建一論議。以爲民捍患積骸流血。徒付歎憫。昔人所謂飽食終日。與下民一致耳。將不有負於公之所期待乎。近聞公掌翰留院。比之北都。若非要津。然實係我祖興王之地。舊章成憲。可資采錄。而山川佳麗。要不徒止供游覽也。公其有以見示乎。小兒近魯。以試事入城。特命候謁門下。尙其以猶子視之。不吝發蒙之教。至望至望。

明申時行答顧冲菴巡撫書

不肖竊位久而積釁多矣。疑謗相及。安敢尤人。乃讀教札。所以慰藉不肖甚厚。顧非不肖所敢當也。鄙性柔懦。好下人而深畏事。其負氣而名高者。顧得挾之以自重。而險躁之徒。爭慕效之。不論事之有無。人之邪正。一切以攘臂言事。戟手詈人。爲當世奇男子。人心士習。乃至於是。此不肖實釀成之。而卒以身試固其所也。尙

何言哉。若論門生。則操戈不肖者。豈獨一人。當盡付之公論耳。

明王衡與蔡思川侍御書

生平仰止之私。終以守株自限。昨廁名賢書。而得拜臺下於鹿鳴之席。一第不足喜。喜以此爲龍門階耳。顧螽負難勝。鼠腹易溢。彈冠未幾。而嘒嘒者且張彌天之羅。在衡父子。固不足惜。獨憾以臺下典試事。而使曳白者倖進。天下遂謂臺下繡斧不伐佞。文豸不觸邪。嗟乎。某自後且不敢以不潔之身事臺下矣。況敢重以汙大君子齒牙哉。今家君業已裂冠毀冕。不肖業已裹筆焚書。以謝言者。心無媿怍。成敗毀譽。輕如鴻毛。獨歎士有知己。不能報萬分之一。而首以穢詬相蒙。中夜捫心。不能喻之於懷耳。

慰藉

宋強至與孫觀文啟

跼守陋邦。坐賒賓館。誰謂河廣。曾微杭葦之艱。畏此簡書。居積道躋之歎。恭惟節

宣時若。啟處用康。伏以某官。德崇國華。智兼人傑。幾深開物以成務。倜儻扶義而濟功。內參帷幄之謀。外膺方面之寄。夫倚伏之效。巧歷猶知其必然。污隆之期。賢者蓋有以無悶。是故稱子文之美。爲其去令尹而弗憂。言仲華之賢。亦曰。褫龍章而無愠。矧以全德邁衆。達生徇天。宜其捐芥蒂而何疑。寓逍遙而自得。推數循理。已符傾否之占。求舊記功。方盡樂終之義。勉祈善毓。以副禱詞。

宋司馬光答齊州司法張祕校正彥書

十一月七日。光白司法祕校張君足下。前日辱書。始則諭以古之爲士易。今之爲士難。終則見索惡詩。欲以示郡之賢守倅。光實何人。承雅意勤厚如此。固不當辭。然光素無文。於詩尤拙。不足以揄揚盛美。取信於人。況近世之詩。大抵華而不實。雖壯麗如曹劉鮑謝。亦無益於用。光忝與足下以經術相知。誠不敢以此爲獻。所可獻者。在於相與講明道義而已。足下所謂古之爲士者。乃君子之道也。所謂今之爲士者。乃小人之道也。自有天地以來。君子小人相與並生於世。各居其半。一

消一息。一否一泰。紛然雜揉。固非一日。非君子之道。多於古而鮮於今。古則可爲。而今則不可爲也。小人之道。鮮於古而多於今。古不可爲。而今則可爲也。顧人之取捨。何如爾。奚古今之異。而有易有難哉。足下學春秋。非徒誦其文。通其義而已。乃能於傳注之外。凡古今治春秋之書。存可見者。皆徧觀而略記之。評其短長。靡不精當。人或雜舉而猝問之。疇對無滯。袞袞焉如泉源之。不窮。年未弱冠。舉明經爲天下第一。今位雖卑。年雖少。譬如隋珠和璧。委於道塗。愚者猶知拾而寶之。況賢守倅哉。詩云。鶴鳴于九皋。聲聞于天。魚在于渚。或潛于淵。孔子曰。不患人之不知。求爲可知也。足下當固守於古。而勿流放於今。汲汲於己。而徐於人。爲之不止。光見異日爲賢公卿。功業烜赫於當時。名聲彰徹於後世。竹帛所不能紀。金石所不能頌。詩何爲哉。詩何爲哉。不宣。光白。

宋歐陽修上隨州錢相公啟

此者及期被代。投版言歸。宿官早愧於迷方。書課厯能於自脫。徒以無庸之迹。曾